

四庫全書

子部

欽定四庫全書

子部

備急千金要方卷六十三
四

詳校官太醫院恩糧臣袁天錫

編修臣倉聖脈覆勘

總校官中書臣朱 鈐

校對官中書臣胡紹基

謄錄監生臣劉耀馥

欽定四庫全書

備急千金要方卷六十三

唐

孫思邈

撰

宋

林億等

校正

消渴方

消渴第一

論方
灸法

論曰凡積久飲酒未有不成消渴然則大寒凝海而酒
不凍明其酒性酷熱物無以加脯炙鹽鹹此味酒客耽
嗜不離其口三觴之後制不由已飲噉無度咀嚼鮓醬

不擇酸鹹積年長夜酣興不解遂使三焦猛熱五臟乾燥木石猶且焦枯在人何能不渴治之愈否屬在病者若能如方節慎旬月可瘳不自愛惜死不旋踵方書醫藥實多有效其如不慎者何其所慎者有三一飲酒二房室三鹹食及麪能慎此者雖不服藥而自可無他不如此者縱有金丹亦不可救深思慎之又曰消渴之人愈與未愈常須思慮有大癰何者消渴之人必於大骨節間發癰疽而卒所以戒之在大癰也當預備癰藥以

防之有人病渴利始發於春經一夏服栝蔞豉汁得其
力渴漸瘥然小便猶數甚晝夜二十餘行常至三四升
極瘥不減二升也轉久便止漸食肥膩日就羸瘦咽喉
脣口焦燥吸吸少氣不得多語心煩熱兩脚酸食乃漸
倍於常而不為氣力者當知此病皆由虛熱所致治法
可長服栝蔞汁以除熱牛乳杏酪善於補此法最有益
治消渴除腸胃熱實方

麥門冬

茯苓

黃連

石膏

姜薤

各八分

人參

龍膽

黃芩

各六分

升麻

四分

枳實

五分

生薑

屑

枸杞子

外臺用
地骨皮

栝蒌根

各十分

右十三味為末蜜丸如梧子大以茆根粟米汁服十
丸日二若渴則與此飲至足大麻亦得飲方如左

茆根

切一升

粟米

三合

右二味以水六升煮取米熟用下前藥

又方栝蒌根

生薑

各五兩

生麥門冬汁

蘆根

切各二升

茆根

切三升

右五味㕮咀以水一斗煮取三升分三服

茯苓湯洩熱止渴治胃腑實熱引飲常渴方

茯苓

二兩外臺作茯苓

枯薑根

生麥門冬

各五兩

萎蕤

知母

各四兩

生地黄

六兩

小麥

二升

大棗

二十枚

淡竹葉

切三升

右九味㕮咀以水三斗煮小麥竹葉取九升去滓下

藥煮取四升分四服服食不問早晚但渴即進非但
止治胃渴通治渴患熱者

猪肚圓治消渴方

猪肚

一具治
如食法

黃連

梁米

各五
兩

枯萋根

茯神

各四
兩

知母

三
兩

麥門冬

二
兩

右七味為末內猪肚中縫塞安甌中極爛蒸乘熱及
藥水臼中擣可丸若硬與蜜和丸如梧子大飲服三
十九日二加至五十丸隨渴即服之

又方枯婁根

麥門冬

鉛丹

各八分

茯苓

一作茯苓

甘草

各六分

右五味治下篩以漿水服方寸匕日三

外臺無茯苓

又方黃耆

茯苓

枯婁根

甘草

麥門冬

各三兩

乾地黄

五兩

右六味以水八升煮取二升半去滓分三服日

進一劑服十劑佳

浮萍圓治消渴方

乾浮萍

枯婁根

各等分

右二味為末以人乳汁和丸如梧子空腹飲服二十丸日三三年病者三日愈治虛熱大佳

治消渴日飲水一石者方

鉛丹

二兩

附子

一兩

葛根

枯婁根

各三兩

右四味為末蜜丸如梧子飲服十丸日三渴則服之

春夏減附子

黃連圓治渴方

黃連

一斤

生地黃

一斤張文仲云十斤

右二味絞地黃取汁浸黃連出曝燥復內汁中令汁盡乾擣末蜜丸如梧子服二十九日三食前後無拘亦可為散以酒服方寸匕

枯萋粉治大渴祕方

右深掘大枯萋根厚削皮至白處止寸切水浸一日一夜易水經五日取出爛擣碎研之以絹袋濾如出

粉法乾之水服方寸匕日三四亦可作粉粥乳酪中食之不限多少取瘥止

又方枯萋粉和雞子曝乾更擣為末水服方寸匕日三丸服亦得

又方水和枯萋散服方寸匕亦可蜜丸如梧子大服三十丸

又方取七家井索近桶口結燒作灰并華水服之不過三服必瘥

又方濃煮竹根汁飲之瘥止

又方漬豉汁任性多少飲之

又方以青粱米煮取汁飲之以瘥止

論曰夫內消之為病當由熱中所致小便多於所飲令人虛極短氣夫內消者食物皆消作小便也而又不渴正觀十年梓州刺史李文博先服白石英既久忽房道強盛經月餘漸患渴經數日小便大利日夜百行以來百方治之漸以增劇四體羸瘦不能起止精神恍惚口

舌焦乾而卒此病雖稀甚可畏也利時脉沉細微弱服
枸杞湯即效但不能長愈服鉛丹散亦即減其間將服
除熱宣補丸

枸杞湯治渴而利者方

枸杞枝葉一斤黃連

枯薑根

甘草

石膏各三兩

右五味㕮咀以水一斗煮取三升分五服日三夜二
劇者多合渴即飲之

鉛丹散治消渴止小便數兼消中方

鉛丹

胡粉各二

甘草

枯萋根

各十分

白石脂

肘後作母

澤瀉

石膏

赤石脂

各五分

右八味治下篩酒服方寸匕日三壯人一匕半一年

病者一日愈二年病者二日愈渴甚者夜二服腹痛

者減之丸服亦佳每服十丸傷多令人腹痛

張文仲云腹中

痛者宜漿水汁下之備急方云不宜酒者用麥汁下之古今錄驗方云服此藥了經三兩日宜爛煮羊用

肚空腹服之或作羹亦得宜常淡食之候小便數鹹
苦即宜服茯苓丸兼煮散將息茯苓丸及煮散方見
外臺第十
一卷中

茯苓圓方

集驗名宣補丸治
腎消渴小便數者

茯苓

黃耆

人參

麥門冬

甘草

黃連

知母

栝蒌根各三兩

菟絲子合

茯苓

四兩

石膏

乾地黄各六兩

兩

右十二味為末以牛膽三合和蜜丸如梧子以茈根

湯服三十九日二服漸加至五十丸

酸棗圓治口乾燥內消方

酸棗

一升
五合

酢安石榴子

乾五
合

覆盆子

葛根

各三
兩

栝蒌根

茯苓

各三
兩半

麥門冬

四
兩

石蜜

四兩
半

桂心

一兩
六銖

烏梅

十
枚

右十味為末蜜丸口含化不限晝夜以口中津液為度盡復取含無忌

治消中日夜尿七八升者方

右用鹿角炙令焦末以酒服五分匕日三漸加至方寸匕

又方葵根如五升盆大兩束

外臺云五大斤

以水五斗煮取三

斗宿不食平旦一服三升

又方溫麻汁服一升佳

論曰強中之病者莖長興盛不交精液自出也消渴之後即作癰疽皆由石熱凡如此等宜服猪腎薺萇湯制腎中石熱也又宜服白鴨通湯

方見下解石毒篇

猪腎薺萐湯方

猪腎

一具

大豆

一升

薺萐

石膏

各三兩

人參

茯神

一本作茯苓

磁石

綿裹

知母

葛根

黃芩

甘草

枯萐根

各二兩

右十二味㕮咀以水一斗五升先煮猪腎大豆取一斗去滓下藥煮取三升分三服渴及飲之下膳熱者夜輒合一劑病勢漸歇即止

增損腎瀝湯治腎氣不足消渴小便多腰痛方

羊腎

具一

遠志

人參

澤瀉

桂心

當歸

茯苓

龍骨

乾地黄

黃芩

甘草

芍藥

各二兩

五味子

合五

生薑

六兩

大棗

二十枚

麥門冬

一升

右十六味以水一斗五升先取羊腎取一斗二升次

下諸藥散取三升分三服

治下焦虛熱注脾胃從脾注肺好渴利方

竹葉

升 切三

甘草

兩 三

枯蘂根

生薑

兩 各五

麥門冬

茯苓

兩 各四

大棗

枚 三十

小麥

地骨白皮

升 各一

右九味咬咀先以水三斗煮小麥取一斗去滓澄清
取八升去上沫取七升煮藥取三升分三服

治渴利虛熱引飲不止消熱止渴方

竹葉

升 切二

地骨皮

生地黄

一升 切各

枯蘂根

石膏

兩 各八

茯苓

一作 茯苓

姜蕤

知母

生薑

各四兩

生麥門冬

一升半

大棗

三十枚

右十一味㕮咀以水一斗二升煮取四升分四服

地黃圓治面黃手足黃咽中乾燥短氣脉如連珠除熱

止渴利補養方

生地黄汁

生栝蒌根汁

各二升

牛羊脂

三升

白蜜

四升

黃連

一斤為末

右五味合煎令可丸如梧子大飲服五丸日二加至

二十丸若苦冷而渴渴瘥即宜別服溫藥

治渴小便數方

貝母

六分一本
作知母

茯苓

桔萐根

各四分

鉛丹

一分

雞臍胫中黃皮

拾四枚

右五味治下篩飲服方寸匕日三瘥後常服尤佳長服不絕則去鉛丹以蜜丸之用麥飲下

治渴利方

右用生桔萐根三十斤切以水一石煮取一斗半去滓以牛脂五合煎取水盡以溫酒先食服如雞子大

日三

治渴小便利復非淋者方

右用榆白皮二斤切以水一斗煮取五升每服三合

日三

又方小豆藿一把擣取汁頓服三升

又方取薔薇根水煎服之佳

肘後以治
睡中遺尿

又方三年重鵲巢燒末以飲服之

肘後以治
睡中遺尿

又方桃膠如彈丸大含之咽津

又方蠟如雞子大以酢一升煮二沸適寒溫頓服之

論曰凡人生放恣者衆盛壯之時不自慎惜快情縱慾極意房中稍至年長腎氣虛竭百病滋生又年少懼不能房多服石散真氣既盡石氣孤立惟有虛耗唇口乾焦精液自洩或小便赤黃大便乾實或渴而且利日夜一石或渴而不利或不渴而利所食之物皆化作小便此皆由房室不節之所致也凡平人夏月喜渴者由心王也心王便汗汗則腎中虛燥故渴而小便少也冬月

不汗故小便多而數也此為平人之證也名為消渴但
小便利而不飲水者腎實也經云腎實則消消者不渴
而利是也所以服石之人於小便利者石性歸腎腎得
石則實實則能消水漿故利利多則不得潤養五臟臟
衰則生諸病張仲景云熱結中焦則為堅熱結下焦則
為溺血亦令人淋閉不通明知不必悉患小便利信矣
內有熱者則止渴除熱則止渴無虛者須除熱補虛則
瘥矣

治不渴而小便大利遂至於死者方

右用牡蠣五兩以患人尿三升煎取二升分再服神

驗

治小便不禁多日便一二斗或如血色方

麥門冬

乾地黄

各八兩

乾薑

四兩

茯苓子

續斷

桂心

各二兩

甘草

一兩

右七味㕮咀以水一斗煮取二升五合分三服

古今錄驗

云治腎消脚瘦細小便數

九房散治小便多或不禁方

菟絲子

黃連

蒲黃

各三兩

消石

一兩

肉蓯蓉

二兩

右五味治下節并雞臍脰中黃皮三兩同為散飲服

方寸匕日三如人行十里久更服

千金翼有五味子三兩每服空腹服

之

又方鹿茸

三寸

桂心

一尺

附子

大者三枚

澤瀉

三兩

躑躅

韭子

各一升

右六味治下篩以漿服五分七日三加至一匕

黃耆湯治消中虛勞少氣小便數方

黃耆

芍藥

生薑

桂心

當歸

甘草

各二兩

大棗

三十枚

黃芩

乾地黄

麥門冬

各一兩

右十味咬咀以水一斗煮取三升分三服日三

棘刺圓治男子百病小便過多失精方

棘刺肉

石龍肉

巴戟天

各二兩

厚朴

麥門冬

菟絲子

萆薢

外臺作草鞋

萎蕤

栝子仁

乾地黄

小草

細辛

杜仲

牛膝

菰蓉

石斛

桂心

防葵

各一雨

烏頭

半雨

右十九味為末蜜和更擣五六千杵丸如梧子大飲下十九日三加至三十丸以知為度

利尿數而多者方

右用羊肺一具作羹內少羊肉和鹽豉如食任性食

不過三具

治消渴陰脉絕胃反而吐食者方

茯苓

八兩

澤瀉

四兩

白朮

生薑

桂心

各三兩

甘草

一兩

右六味咬咀以水一斗煮取麥三升取汁三升去麥
下藥煮取二升半每服八合日再

又方取屋上瓦三十年者碎如雀腦三升東流水二石
煮取二斗內藥如左方

生白朮

乾地黄

生薑

各八兩

橘皮

人參

甘草

黃耆

遠志

各三兩

桂心

當歸

芍藥

各二兩

大棗

三十枚

右十味㕮咀內瓦汁中煮取三升分四服

或單飲瓦汁亦佳

治熱病後虛熱渴四肢煩疼方

葛根

一斤

人參

甘草

各一兩

竹葉

一把

右四味㕮咀以水一斗五升煮取五升渴即飲之日

三夜二

骨填煎治虛勞渴無不效方

茯苓

菟絲子

當歸

山茱萸

牛膝

五味子

附子

巴戟天

石膏

麥門冬三雨

石韋

人參

茯苓

外臺作遠志

桂心

各四雨

大豆卷

一升

天門冬

五雨

右十六味為末次取生地黃桔萸根各十斤搗絞取汁於微火上煎減半便作數分內藥并下白蜜三斤牛髓一斤微火煎令如糜食如雞子黃大日三亦可

飲服之

茯神散治虛熱四肢羸乏渴熱不止消渴補虛方

茯神

茯苓

萎蕤

各四兩

生石斛

黃連

各八兩

枯藁根

丹參

各五兩

甘草

五味子

知母

當歸

人參

各三兩

麥蘖

三升外臺作小麥

右十三味治下節以絹袋盛三方寸匕水三升煮取

一升日二服一煮為一服

枸杞湯治虛勞口中苦渴骨節煩熱或寒者方

枸杞根白皮

切五升

麥門冬

三升

小麥

二升

右三味以水二斗煮麥熟藥成去滓每服一升日再
巴郡太守秦三黃圓治男子五勞七傷消渴不生肌肉
婦人帶下手足寒熱者方

春三月黃芩

四兩

大黃

三兩

黃連

四兩

夏三月黃芩

六兩

大黃

一兩

黃連

七兩

秋三月黃芩

六兩

大黃

二兩

黃連

三兩

冬三月黃芩

三雨

大黃

五雨

黃連

二雨

右三味隨時加減和擣以蜜為丸如大豆飲服五丸
日三不知稍加至七丸取下而已服一月病愈久服

走逐奔馬常試有驗

一本云夏三月不服

治熱渴頭痛壯熱及婦人血氣上衝悶不堪者方

右用茅根切三升三擣取汁令盡渴即飲之

治嶺南山瘴風熱毒氣入腎中變寒熱脚弱虛滿而渴

方

黃連

不限多少

生栝蔞根

汁

生地黃

汁

羊乳

汁

右四味以三汁和黃連末為丸空腹飲服三十九如梧子大漸加至四十九日三重病五日瘥小病三日

瘥無羊乳牛乳人乳亦得若藥苦難服即煮小麥粥

飲服之主虛熱

張文仲云黃連丸一名羊乳丸

阿膠湯治虛熱小便利而多服石散人虛熱當風取冷患脚氣喜發動兼消渴腎脉細弱方

阿膠

二挺

麻子

一升

附子

一枚

乾薑

二兩

遠志

四兩

右五味㕮咀以水七升煮取二升半去滓內膠令烊分三服說云小便利多白日夜數十行至一石五日頻服良

灸法

論曰凡消渴病經百日以上者不得灸刺灸刺則於瘡上漏膿水不歇遂致癰疽羸瘦而死亦忌有所誤傷但作針許大瘡所飲之水皆於瘡中變成膿水而出若水

出不止者必死慎之慎之初得患者可如方灸刺之

消渴咽喉乾灸胃管下輸三穴各百壯穴在背第八椎

下橫三寸間寸灸之

一云灸胃堂五十壯
又灸足太陽五十壯

消渴口乾不可忍者灸小腸輸百壯橫三間寸灸之

消渴口乾煩悶灸足厥陰百壯又灸陽池五十壯

消渴欬逆灸手厥陰隨年壯

消渴小便數灸兩手小指頭及足兩小趾頭并灸項椎

佳又灸當脊梁中央解間一處與腰目上兩處凡三處

又灸背上脾輸下四寸當俠脊梁灸兩處凡諸灸皆當
隨年壯又灸腎輸二處又灸腰目在腎輸下三寸亦俠
脊骨兩傍各一寸半是左右以指按取關元一處又兩
傍各二寸二處又陰市二處在膝上當伏兔上行三寸
臨膝取之或三二列灸相去一寸名曰腎系者

黃帝經云伏兔

下一曲泉陰谷陰陵泉復留此諸穴斷小便最佳不損
陽氣亦云止遺溺也太谿中封然谷太白大都跗陽行
間大敦隱白涌泉凡此諸穴各一百壯腹背兩脚凡四

十七處其腎輸腰目關元水道此可灸三十壯五日一報各得一百五十壯佳涌泉一處可灸十壯大敦隱白行間此處可灸三壯餘者悉七壯皆五日一報滿三灸可止也若發灸諸陰不愈宜灸諸陽諸陽在脚表并灸肺輸募按流注孔穴壯數如灸陰家法

小便數而少且難用力輒失精者令其人舒兩手合掌併兩大指令齊急逼之令兩爪甲相近以一炷灸兩爪甲本肉際肉際方後自然有角令炷當角中小侵入爪

上此兩指共用一炷也亦灸腳大趾與手同法各三炷而已經三日又灸之

備急千金要方卷六十三

欽定四庫全書

備急千金要方卷六十四 唐 孫思邈 撰

宋 林億等 校正

消渴方

淋閉第二

論證
方灸法

論曰熱結中脘則為堅下脘則為溺血令人淋閉不通
此多是虛損人服大散下脘客熱所為亦有自然下脘
熱者但自少可善候之

凡氣淋之為病溺難澀常有餘瀝石淋之為病莖中痛溺不得卒出膏淋之為病尿似膏自出勞淋之為病勞倦即發痛引氣衝下熱淋之為病熱即發甚則尿血治之皆與氣淋同

凡人候鼻頭色黃法小便難也

地膚子湯治下焦結熱小便赤黃不利數起出少莖痛或血出溫病後餘熱及霍亂後當風取熱過度飲酒房勞及行步胃熱以飲逐熱熱結下焦及散石熱動關格

小腹堅胞脹如斗諸有此淋悉治之立驗方

地膚子

三兩

知母

黃芩

猪苓

瞿麥

枳實

一作松實

升麻

通草

葵子

海藻

右十味㕮咀以水一斗煮取三升分三服大小便皆

閉者加大黃三兩女人房勞腎中有熱小便難不利

小腹滿痛脉沈細者加猪腎一具

崔氏云若加腎可用水一斗半先煮

腎取一斗汁然後內藥煎之小品方不用枳實

治百種淋寒淋熱淋勞淋小便澀胞中滿腹急痛方

通草

石韋

甘草

王不留行

各二兩

冬葵子

滑石

瞿麥

白朮

芍藥

各三兩

右九味㕮咀以水一斗煎取三升分三服

古今錄驗有當歸二

兩治下篩以麥粥清服方寸匕日三

又方滑石

石韋

枯婁根

各二兩

右三味治下篩大麥飲服方寸匕日三

治諸種淋方

葵根

八雨

茆根

石首魚頭石

各三雨

甘草

一雨

通草

二雨

貝子

五合

天麻根

五雨

右七味咬咀以水一斗二升煮取五升分五服日三

夜二亦主石淋

又方榆皮

一斤

車前子

冬瓜子

各一升

鯉魚齒

桃膠

通草

地脉

各二雨

瞿麥

四雨

右八味咬咀以水一斗煮取三升分三服日三

又方細白沙三升熬令極熱以酒三升淋取汁服一合
治淋痛方

滑石

四兩

貝子

七枚
燒碎

茯苓

白朮

通草

芍藥

各二兩

右六味治下節酒服方寸匕日二服十日瘥

又方葵子

五合

茯苓

白朮

當歸

各二兩

右四味咬咀以水七升煮取二升分三服日三

又方取猪脂酒服三合日三小兒服一合臘月者

治小便不利莖中疼痛小腹急痛方

通草

茯苓

各三兩

葶藶

二兩

右三味治下節以水服方寸匕日三

又方蒲黃

滑石

各等分

右二味治下節酒服方寸匕日三

治小便不利膀胱脹水氣流腫方

水上浮萍曝乾為末服方寸匕日三

治小便不通方

滑石

三雨

葵子

榆白皮

各一雨

右三味治下篩煮麻子汁一升半取一升以散二方

寸匕和分三服即通

又方水四升洗甌帶取汁煮葵子取二升半分三服

又方胡燕屎豉各一合和擣丸如梧子服三九日三

又方髮去垢燒末葵子各一升以飲服方寸匕日三

又方石首魚頭石為末水服方寸匕日三

又方石槽塞灰土并華水服之日三

又方鯉魚齒燒灰末酒服方寸匕日三

又方車前子末方寸匕日三服百日止

治卒不得小便方

吞雞子白取瘥

葛氏云吞黃

又方車前草

一把

桑白皮

半兩

右二味咬咀以水三升煎取一升頓服之

治婦人卒不得小便方

杏仁二七枚燉末服之立下

又方紫苑末井華水服三指撮立通血出者四五度服之治黃疸後小便淋瀝方

猪腎

一具切

茯苓

一斤

瞿麥

六兩

車前根

二斗切

黃芩

三兩

椒目

三合綿裹

澤瀉

地膚子

各四兩

右八味咬咀以水二斗煮車前取一斗六升去滓下猪腎煮取一斗三升去腎下藥煮取三升分三服

治氣淋方

水三升煮船底苔如鴨子大取二升頓服

又方水三升煮豉一升一沸去滓內鹽一合頓服亦可
單煮豉汁服之

又方水一斗煮比輪錢三百文取三升溫服之

又方擣葵子末湯服方寸匕

又方空腹單茹蜀葵一滿口

又方熬鹽熱熨小腹冷復易亦治小便血
肘後方治小便不通

灸法

臍中著鹽灸三壯

葛氏云治小便不通

灸關元五十壯又灸俠玉泉相去一寸半三十壯

治石淋方

右用車前子二升絹袋盛水九升煮取三升先經宿

不得食平旦空腹頓服之石即出

備急方云治熱淋

又方取浮石使滿一手許治下篩以水三升酢一升煮

取二升澄清服一升不過三服石出

亦治嗽淳酒煮之

又方桃膠棗許大夏以冷水三合冬以湯三合和服日

三當下石子如豆卵石盡止

亦治小便出血

灸法

石淋臍下三十六腫病不得小便灸關元三十壯又
灸氣門三十壯又灸水泉三十壯足大敦是也

治膏淋方

右擣律草汁二升酢二合和空腹頓服之當尿如小

豆汁也又濃煮汁飲亦治淋瀝

蘇澄用療尿血

治五勞七傷八風十二痺勞結為血淋熱結為肉淋小

便不通莖中及小腹痛不可忍者方

滑石

桂心

冬葵子

王不留行

通草

車前子

各二分

甘遂

一分

石韋

四分

右八味治下篩以麻子飲五合和服方寸匕日三尿沙石出一方加榆白皮三分

灸法

勞淋灸足太陰百壯在內踝上三寸三報之

治熱淋方

大棗

二七枚

葵根

切一升冬用子夏用苗

右二味以水三升煮取一升二合分二服熱加黃芩一兩出難加滑石二兩末血者加茜根三兩痛者加芍藥二兩加藥亦加水也

又方白茆根切四斤以水一斗五升煮取五升服一升日三夜二

又方常煮冬葵根作飲服之

治血淋小便礮痛方

雞蘇

二兩

通草

滑石

各五兩

竹葉

一把

生地黃

半斤

小薊根

一兩

右六味咬咀以水九升煎取三升去滓分三服溫服

石韋散治血淋方

石韋

當歸

蒲黃

芍藥

右四味各等分治下篩酒服方寸匕日三

又方以水五升煮生大麻根十枚取二升頓服

亦治小便出血

又方以水四升煮大豆葉一把取二升頓服

又方以水三升煮葵子一升取汁日三服亦治虛勞尿血

灸法

血淋灸丹田隨年壯又灸伏留五十壯一云隨年壯

五淋不得小便灸懸泉十四壯穴在內踝前一寸斜行小脉上是中封之別名

五淋灸大敦三十壯

卒淋灸外踝尖七壯

淋病九部諸疾灸足太陽五十壯

淋病不得小便陰止痛灸足太衝五十壯

腹中滿小便數起灸玉泉下一寸名尿胞一名屈骨端

灸二七壯小兒以意減之

治遺尿小便澀方

牡蠣

鹿茸

各四兩

桑耳

三兩錄驗無

阿膠

三兩

右四味咬咀以水七升煮取二升分二服日三

又方防已

葵子

防風

各二兩

右三味呖咀以水五升煮取二升半分三服散服亦佳

治小便失禁方

以水三升煮雞腸取一升分三服

治失禁出不自覺方

右用豆醬汁和竈突墨如豆大內尿孔中

范注云治胞轉亦治

小兒

治尿牀方

取羊肚系盛水令滿線縛兩頭熟煮即開取中水頓服立瘥

又方取雞肫一具并腸燒末酒服男雌女雄

又方取羊胞盛水滿中炭火燒之盡肉空腹食不過四五度瘥

又方以新炊熟飯一盞瀉尿牀處拌與食之勿令知良灸法

遺尿失禁出不自知灸陰陵泉隨年壯

遺溺灸遺道俠玉泉五寸又灸陽陵泉又灸足陽明各
隨年壯

小便失禁灸大敦七壯又灸行間七壯

尿牀垂兩手兩髀上盡指頭上有陷處灸七壯又灸臍
下橫文七壯

尿血第三

方

治房勞傷中尿血方

牡蠣

桂心

黃芩

車前子

各等分

右四味治下篩以飲服方寸匕稍加至二七日三服

治小便血方

生地黃

八兩

栢葉

一把

黃芩

阿膠

各二兩

右四味咬咀以水八升煮取三升去滓下膠分三服

一方加甘草二兩

又方菟絲子

蒲黃

白芷

荊實

乾地黃

酸棗

小品作
敗醬

芎藭

葵子

當歸

茯苓

各等分

右十味為末蜜丸如梧子飲服五丸日三稍加至十

丸

又方戎鹽

六分

甘草

蒲黃

鹿魚膠

芍藥

各二兩

礬石

三兩

大棗

十枚

右七味㕮咀以水九升煮取二升分三服

又方胡麻三升擣細末以東流水二升漬一宿平旦絞

去滓煮兩沸頓服

又方龍骨為細末溫水服方寸匕日五六服

張文仲云酒服

又方酒三升煮蜀當歸四兩取一升頓服

又方擣荊葉取汁酒服二合

又方煮車前根葉子多飲佳

又方酒服亂髮灰

蘇澄用水服

又方酒服葵莖灰方寸匕日三

又方刮滑石末水和傳繞小腹及陰際佳

葛氏云治小便不通

又方豉二升酒四升煮取一升頓服

水腫第四

論證
方灸法

論曰大凡水病難治瘥後特須慎於口味又復病水人多嗜食不廉所以此病難愈也代有醫者隨逐時情意在財物不本性命病人欲食肉於貴勝之處勸令食羊頭蹄肉如此者未見有一愈者又此病百脉之中氣水俱實治者皆欲令瀉之使虛羊頭蹄極補那得瘳愈所以治水藥多用葶藶子等諸藥本草云葶藶久服令人大虛故水病非久虛不得絕其根本又有蠱脹但腹滿

不腫水脹脹而四肢面目俱腫大有醫者不善診候治
蠱以水藥治水以蠱藥或但見脹滿皆以水藥如此者

仲景所云愚醫殺之令錄忌如左

其治蠱方具在雜方
篇見第七十四卷中

喪孝

產乳

音樂

房室

誼戲

一切魚

一切肉

一切生冷

酢滑

蒜

粘食米豆油膩

右以前並禁不得食不及不得用心其不禁者並具
本方之下其房室等猶三年慎之永不復發不爾者

雖瘥復發復發不可更治也古方有十水丸歷驗多
利大便而不利小便所以不能述錄也

黃帝問岐伯曰水與膚脹鼓脹腸覃石瘕何以別之岐

伯曰水之始起也目果上微腫

靈樞太素
作微癰

如新臥起之

狀頸脉動時欬陰股間寒足脛腫腹仍大其水已成也

以手按其腹隨手而起如裹水之狀此其候也膚脹何

以候之膚脹者寒氣客於皮膚之間殼殼然而堅

太素
外臺

作不

腹大身盡腫皮厚按其腹陷

太素
作宵

而不起腹色不

變此其候也鼓脹如何鼓脹者腹脹身腫大大與膚脹
等其色蒼黃腹脉起此其候也腸覃如何腸覃者寒氣
客於腸外與胃太素作衛氣相薄正氣不得榮因有所繫瘕
而內著惡氣乃起息肉乃生始也如雞卵稍以益大及
其成也若懷子之狀久者離歲月按之即堅推之則移
月事時下此其候也石瘕如何石瘕者生於胞中寒氣
客於子門子宮閉塞氣不得通惡血當瀉不瀉瘀以留
止日以益大狀如懷子月事不以時下皆生於女子可

導而下之曰膚脹鼓脹可刺耶曰先瀉其腹之血絡後
調其經刺去其血脉師曰病有風水有皮水有正水有
石水有黃汗風水其脉自浮外證骨節疼痛其人惡風
皮水其脉亦浮外證浮腫按之沒指不惡風其腹如鼓
要畧巢酒
作如故 不滿不渴當發其汗正水其脉沈遲外證自

喘石水其脉自沈外證腹滿

脉經作痛

不喘黃汗其脉沈遲

身體發熱胃滿四肢頭面並腫久不愈必致癰膿心水

者其人身體重

一作腫

而少氣不得卧煩而燥其人陰大

腫肝水者其人腹大不能自轉側而脇下腹中痛時時
津液微生小便續通脾水者其人腹大四肢苦重津液
不生但苦少氣小便難也肺水者其人身體腫而小便
難時時鴨溇腎水者其人腹大臍腫腰痛不得溺陰下
濕如牛鼻上汗足為逆冷其面反瘦師曰治水者腰以
下腫當利小便腰以上腫當發汗即愈問曰有病下利
後渴飲水小便不利腹滿因腫何故師云此法當病水
若小便自利及汗出者自當愈

一作滿
月當愈

凡水病之初先

兩目上腫起如老蠶色俠頸脉動股裏冷脛中滿按之
沒指腹內轉側有聲此其候也不即治之須臾身體稍
腫腹中盡脹按之隨手起水為已成猶可治也此病皆
從虛損所致

大病或下利後婦人產後飲水不即消三焦決漏小便
不利仍相結漸漸生聚遂流諸經絡故也

水有十腫不可治者有五第一脣黑傷肝第二缺盆平
傷心第三臍出傷脾第四背平傷肺第五足下平滿傷

腎此五傷必不可治

凡水病忌腹上出水出水者一月死大忌之

中軍候黑圓治膽玄水先從頭面至腳腫頭眩痛身虛

熱名曰玄水體腫大小便澀宜此方

方見第五十八卷中

治小腸水小腹滿暴腫口苦乾燥方

右用巴豆三十枚和皮咬咀水五升煮取三升綿內

汁中拭腫上隨手可減日五六拭莫近目及陰

集驗治身

暴腫
如吹

治大腸水乍虛乍實上下來去方

赤小豆

五升

桑白皮

切二升

鯉魚

四斤

白朮

八兩

右四味㕮咀以水三斗煮魚取爛勿用鹽去魚盡食并取汁四升許細細飲下

又方羊肉

一斤

當陸

切一升

右二味以水二斗先煮當陸令爛去滓後內羊肉及

蔥豉酢一如臛法

肘後云治卒腫滿身面浮大

治膀胱石水四肢瘦腹腫方

桑白皮

穀白皮

澤漆葉

各三升

大豆

五升

防已

射干

白朮

各四兩

右七味㕮咀以水一斗五升煮取六升去滓內好酒

三升更煮取五升日二夜一餘者次日更服

集驗方無澤漆

防已射干

只四味

又方桑白皮

六兩

射干

黃芩

茯苓

白朮

各四兩

澤瀉

三兩

防已

二兩

大豆

三升

澤漆

切一升

右九味㕮咀以水五斗煮大豆取三斗去豆澄清取一斗下藥煮取三升空腹分三服

治胃水四肢腫腹滿方

猪腎

一具

茯苓

四兩

防己

橘皮

玄參

黃芩

杏仁

澤瀉

一作澤漆

桑白皮

各二兩

猪苓

白朮

各三兩

大豆

三升

右十二味㕮咀以水一斗八升煮猪腎大豆澤瀉桑白皮取一斗澄清去滓內餘藥煮取三升分三服若

欬加五味子三兩凡服三劑間五日一劑常用有效
有人患氣急積久不瘥遂成水腫如此者衆諸皮中浮
水攻面目身體從腰以上腫皆以此湯發汗悉愈方

麻黃

四兩

甘草

二兩

右二味咬咀以水五升煮麻黃再沸去沫內甘草取
三升分三服取汗愈慎風冷等

治面腫小便澀心腹脹滿方

茯苓

杏仁

各八分

橘皮

防已

葶蘆

各五分

蘇子

三合

右六味為末蜜丸如小豆服十丸以桑白皮湯送下
日二加至三十丸

治面目手足有微腫常不能好者方

以楮葉切二升以水四升煮取三升去滓內米煮作
粥食如常食勿絕冬則預取葉乾之準法作粥周年
永瘥慎生冷一切食物

治大腹水腫氣息不通命在旦夕者方

牛黃

二分

椒目

三分

昆布

海藻

各十分

牽牛子

桂心

各八分

葶藶子

六分

右七味為末別擣葶藶如膏合和丸如梧子飲服十

丸日二稍加小便利為度大良正觀九年漢陽王患

水醫所不治余處此方日夜尿一二斗五六日即瘥

瘥後有他犯因爾殂矣計此即是神方

崔氏云蜜和為丸蜜湯服

有人患水腫腹大其堅如石四肢細小勞苦足脛腫小
飲食便氣急此終身疾服利下藥不瘥者宜服此藥將

以微除風濕利小便消水穀歲久服之乃可得力瘥後
可常服

鬼箭羽

丹參

白朮

獨活

各五兩

秦艽

猪苓

各三兩

知母

海藻

茯苓

桂心

各二兩

右十味㕮咀以酒三斗浸五日服五合日三任性量
力漸加之

治水腫利小便酒客虛熱當風飲冷水腹腫陰腫滿方

當陸

四雨

甘遂

一雨

芒硝

芫花

吳茱萸

各二雨

右五味為末蜜丸如梧子大飲服三九日三一方有
大黃薤花各二兩無茱萸加麝香猪苓各一兩

大豆散治久水腹肚大如鼓者方

烏豆一斗熬令香勿令大熟去皮為細末篩下餵粥
皆得服之初服一合稍加之若初服多後即嫌臭服
盡更作取瘥止不得食肥臃渴則飲羹汁慎酒肉猪

雞魚生冷酢滑房室得食漿粥牛羊兔鹿肉此據大
饑渴時食之可忍亦勿食也此病難治雖諸大藥丸
散湯膏當時暫瘥過後復發惟此散瘥後不發終身
服之終身不發矣其所禁食物常須少啜莫隨意鹹
物諸雜食等

又方葶藶末

蒼耳子灰

各二
十七

右二味水調和服之日二

又方椒目水沈者取熨擣如膏酒服方寸匕

又方水煮馬籠零服之

治水氣腫鼓脹小便不利方

苺苪子

一升

粘羊肺

一具青
羊亦佳

右二味先洗羊肺湯微滾之薄切曝乾作末以三年
大酢漬苺苪子一晬時出熬令變色熟擣如泥和肺
末蜜合擣三千杵為丸如梧子大食後一食久以麥
門冬飲服四九日三以喉中乾口粘浪語為候數日
小便大利佳山連療韋司業得瘥司業姪雲表所送

云數用神驗

麥門冬飲方

麥門冬

二十枚

米

二十粒

右二味以水一升和煮米熟去滓以下前件丸藥逐服作用之

徐王煮散治水腫利小便方

牛角鰓

防已

羌活

人參

丹參

牛膝

升麻

防風

秦朮

生薑屑

穀皮

紫莞

杏仁

附子

石斛

各三兩

桑白皮

六兩

橘皮

二兩

白朮

澤瀉

茯苓

郁李仁

猪苓

黃連

各一兩

右二十三味治下篩為粗散以水一升五合煮三寸

匕取一升頓服日再不能者但一服二三月以前可

服主利多而小便澀者用之大驗

褚澄漢防已散治水腫上氣方

漢防已

澤漆葉

石韋

澤瀉 各五兩

桑根白皮

白朮

丹參

赤茯苓

橘皮

通草 各三兩

生薑 十兩

郁李仁 合五

右十二味治下節為粗散以水一升半煮三方寸七取八合去滓頓服日三取小便利為度

茯苓圓治水腫甄權為安康公處者方

茯苓

白朮

椒目 各四分

木防已

葶藶

澤瀉 各五分

甘遂 十二分

赤小豆

前胡

芫花

桂心

各二分

芒硝

七分別研

右十二味為末蜜和丸如梧子蜜湯下五丸日一稍加以知為度

治水腫利小便方

大黃

白朮

一作葶藶

木防己

各等分

右三味為末蜜丸如梧子飲下十丸利小便為度不知加之

又方牽牛子末水服方寸七日一以小便利為度

又方葶藶

四兩
生用

桂心

一兩

右二味為末蜜丸如梧子大飲下七丸日二以知為

度

又方郁李仁

末

麴

各一
升

右二味和作餅子七枚燒熟空腹熱食四枚不知加

一枚以至七枚

又方水銀

三兩煮三日三夜

葶藶子

椒目

各一
升

衣魚

二十七枚

水萍

瓜蒂

滑石

各二
兩

芒硝

五兩

右八味搗葶藶令細下水銀更搗令不見水銀止別
搗椒目令細搗瓜蒂水萍下篩合和餘藥以蜜和更
搗三萬杵成丸初服一九如梧子次服二九次服三
九次服四九次服五九次服六九至七日還從一九
起次服二九如是每至六九還從一九起始服藥當
咽喉上有瘰子腫起頰車腫滿齒斷皆腫唾碎血出
勿怪也不經三五日即消所苦皆瘥以上服藥若下

多停藥以止利藥至五下止病未瘥更服病瘥止此

治諸體肉肥厚按之不陷甚者臂粗著衣袖不受及

十種大水醫不治者悉主之神驗

深師集驗陶氏古今錄驗無衣魚水

萍瓜帶

滑石

澤漆湯治水氣通身浮腫四肢無力或從消渴或從黃疸支飲內虛不足榮衛不通氣不消化實皮膚中喘息不安腹中響脹滿眼目不得視方

澤漆根

十兩

鯉魚

五斤

生薑

八兩

赤小豆

二升

茯苓

三兩

人參

甘草

麥門冬

各二兩

右八味㕮咀以水一斗七升先煮魚及豆減七升去之內藥煮取四升半一服三合日三人弱服三合再服氣下喘止可至四合晬時小便利腫氣減或小溲下若小便大利還從一合始大利便止若無鯉魚鮓魚亦可用若水甚不得臥臥不得轉側加澤漆一斤渴加桔蓐根二兩欬嗽加紫苑二兩細辛一兩欬冬花一合桂心三兩增魚汁二升

胡洽無小豆麥門冬
有澤瀉五合杏仁一

兩古今錄驗無小豆治水在五臟令人欬逆喘上氣
腹大而響兩脚腫目下有臥蠶狀微渴不得安臥氣
奔短氣有頃乃復小便難少而數肺病胃
滿隱痛宜利小便水氣迫肺翁翁寒熱

猪苓散治虛滿通身腫利三焦通水道方

猪苓

葶藶

人參

玄參

五味子

防風

澤瀉

桂心

狼毒

椒目

白朮

乾薑

大戟

甘草

各二兩

茯苓

二兩半

女麴

三合

赤小豆

二合

右十七味治下篩酒服方寸匕日三夜一老小一錢
匕以小便利為度

治水氣通身洪腫百藥治不瘥待死者方

大麻子

皆取新
肥者佳

赤小豆

不得一粒
雜各一石

右二味皆以新精者淨揀擇以水淘洗曝乾蒸麻子
使熟更曝令乾貯淨器中欲服取五升麻子燖令黃
香只宜緩火勿令焦極細作末以水五升搗取汁令
盡淨密器盛貯明旦欲服今夜以小豆一升淨淘浸

至旦乾漉去水以新水煮豆末及好熟即漉出令乾
內麻子汁中煮令大爛熟為佳空腹恣食日三服當
小心悶少時即止五日後小便數或赤而唾粘口乾
不足怪之服訖常以小便利為佳

又方煎人尿令可丸服如小豆大日三

又方大棗肉七枚苦瓠膜如棗核大擣丸一服三丸如
行十五里久又服三丸水出更服一丸即止

又方擣生葶藶子酢和服以小便數為度

又方燒薑石令赤內黑牛尿中令熱服一升日一

又方單服牛尿大良凡病水服無不瘥服法先從少起得下為度

又方灸足第二趾上一寸隨年壯又灸兩手大指縫頭七壯

麻黃煎治風水通身腫欲裂利小便方

麻黃

茯苓

澤瀉

各四兩

防風

澤漆

白朮

各五兩

杏仁

大戟

清酒

各一升

黃耆

猪苓

各三兩

獨活

八兩

大豆

二升水七升
煮取一升

右十三味㕮咀以豆汁酒及水一斗合煮取六升分

六七服一日一夜令盡當小便極利為度

大豆散治風水通身大腫眼合不得開短氣欲絕方

大豆

杏仁

清酒

各一升

麻黃

木防己

防風

猪苓

各四兩

澤瀉

黃耆

烏頭

各三兩

生薑

七兩

半夏

六兩

茯苓

白朮

各五兩

甘遂

甘草

各二兩

右十六味㕮咀以水一斗四升煮豆取一斗去豆內藥及酒合煮取七升分七服日四夜三得小便快利為度腫消停藥不必盡劑若不利小便者加生大戟一升葶藶二兩無不利利萬不失一

深師方無猪苓澤瀉烏頭半夏

甘遂

治風水腫方

大豆

三升

茯苓

白朮

各五兩

防風

橘皮

半夏

生薑

各五兩

鼈甲

當歸

防已

麻黃

猪苓

各三兩

大戟

一兩

葵子

一升

桑白皮

五升以水二斗煮取一斗去滓內前藥

右十五味㕮咀內前汁中煮取五升每服八合日三

每服相去如人行十里久

麻子湯治遍身流腫方

麻子

五升

赤小豆

三升

當陸

一斤

防風

三兩

附子

兩

右五味㕮咀先擣麻子令熟以水三斗煮麻子取一斗三升去滓內藥及豆煮取四升去滓食豆飲汁

大豆煎治男子女人新久腫得暴惡風入腹婦人新產上圍風入臍腹中如馬鞭者噓吸短氣欬嗽方

右用大豆一斗淨擇以水五斗煮取一斗五升澄清內釜中以一斗半美酒內中更煎取九升宿勿食平旦服三升溫覆取汗兩食頃當下去風氣腫退慎風

冷十日平復除日合服佳苦急不可待逐急合服腫
不盡退加之腫瘡更服三升若十分瘡勿服病中亦
可任性飲之使酒氣相接

肘後云腫瘡後
渴慎勿多飲

又方楮皮枝葉一大束切煮取汁隨多少釀酒但飲醉
為佳不過三四日腫少退瘡後可常服之一方用猪椒
皮枝葉

又方鯉魚長一尺五寸以尿淹漬一宿平旦以木篋從
口貫至尾微火炙令微熟去皮宿勿食空腹頓服之不

能者分再服勿與鹽

摩膏治表凡腫病須百方內外攻之不可一槩方

生當陸

一斤

猪膏

一斤煎可得二斗

右二味和煎令黃去滓以摩腫亦可服少許并塗以紙覆上燥輒傳之不過三日瘥

麝香散治婦人短氣虛羸遍身浮腫皮膚急人所稀見方

麝香

三銖

雄黃

六銖

芫花

甘遂

各二分

右四味治下篩酒服錢五七老小以意增減亦可為


丸如小豆大强者服七丸

小品無雄黃深師以蜜丸如大豆服二丸日三治三

焦決滿水在胃外名曰水病腹濁大在腹表用大麝香丸華池方肘後有人參二分為丸服

治虛勞浮腫方

右灸太衝百壯又灸腎輸



備急千金要方卷六十四

欽定四庫全書

子部

備急千金要方卷六十五

詳校官太醫院恩禮

臣袁天錫

編修臣倉聖脈覆勘

總校官中書臣朱鈐

校對官中書臣胡紹基

謄錄監生臣劉文耀

欽定四庫全書

備急千金要方卷六十五

唐 孫思邈 撰

宋 林億等 校正

丁腫方

丁腫第一

論證
方灸法

論曰夫稟形之類須存攝養將息失度百病萌生故四
時代謝陰陽遞興此二炁更相擊怒當是時也必有暴
氣夫暴氣者每月之中必有卒然大風大霧大寒大熱

若不時避人忽遇之此皆入人四體頓折皮膚流注經脉遂使腠理壅隔榮衛結滯陰陽之氣不得宣泄變成癰疽丁毒惡瘡諸腫至於丁腫若不預識令人死不逮辰若著訖乃欲求方其人已入木矣所以養生之士須早識此方凡是瘡瘍無所逃矣

凡療丁腫皆刺中心至痛又刺四邊十餘下令血出去血傳藥藥氣得入針孔中佳若不達瘡內療不得方

又其腫好著口中頰邊舌上見赤黑如珠子礮痛應心

是也是秋冬寒毒久結皮中變作此疾不即療之日夜根長流入諸脉數道如箭入身捉人不得動搖若不慎口味房室死不旋踵經五六日不瘥眼中見火光神昏口乾心煩即死也

一曰麻子丁其狀肉上起頭大如黍米色稍黑四邊微赤多癢忌食麻子及衣布并入麻田中行

二曰石丁其狀皮肉相連色烏黑如黑豆甚硬刺之不入肉內隱隱微疼忌瓦礫塼石之屬

三曰雄丁其狀胞頭黑靨四畔仰瘡胞漿起有水出色黃大如錢孔形高忌房事

四曰雌丁其狀瘡頭稍黃向裏靨亦似灸瘡四畔胞漿起心凹色赤大如錢孔忌房事

五曰火丁其狀如湯火燒灼瘡頭黑靨四邊有胞漿起如赤粟米忌火灸爍

六曰爛丁其狀色稍黑有白癰瘡中潰潰則有膿水流
出瘡形大小如是面忌沸熱食爛帛物

七曰三十六丁其狀頭黑浮起形如黑豆四畔起大赤色今日生一明日二後日三乃至十若滿三十六藥所不能治如未滿三十六者可治俗名黑癩忌嗔怒畜積愁恨

八曰蛇眼丁其狀瘡頭黑皮上浮生形如小豆狀似蛇眼大體硬忌惡眼看并嫉妬人見之及毒藥

九曰鹽膚丁其狀大如是面四畔皆赤有黑粟粒起忌食鹹物

卷六十五
十曰水洗丁其狀大如錢形或如錢孔大瘡頭白裏黑
膿汁出中硬忌飲漿水水洗渡河

十一曰刀鎌丁其狀瘡闊狹如薤葉大長一寸左側肉
黑如燒爍忌刺及刀鎌切割鐵刃所傷可以藥治

十二曰浮漚丁其狀瘡體曲圓少許不合長而狹如薤
葉大內黃外黑黑處刺不痛內黃處刺之則痛

十三曰牛拘丁其狀肉皸起指不破

右十三種瘡初起必先癢後痛先寒後熱熱定則寒

多四肢沉重頭痛心驚眼花若大重者則嘔逆嘔逆者難治其麻子丁一種始末惟癢所錄忌者不得犯觸犯觸者即難療其浮漚丁牛拘丁兩種無所禁忌縱不療亦不能殺人其狀寒熱與諸丁同皆以此方療之萬不失一欲知犯觸之狀但脊強瘡痛極甚不可忍者是也

治十三種丁方

右用枸杞其藥有四名春名天精夏名枸杞秋名却

老冬名地骨春三月上建日採葉夏三月上建日採
枝秋三月上建日採子冬三月上建日採根凡四時
初逢建日取枝葉子根等四味並曝乾若得五月五
日午時合和大良如不得依法採者但得一種亦得
用緋繒一片以裹藥取匝為限亂髮雞子大牛黃梧
子大反鈎棘針二十七枚末赤小豆七粒末先於緋
上薄布亂髮以牛黃末等布上曝即捲緋繒作團以
髮作繩十字縛之熨斗中急火熬令沸沸定後自乾

即刮取擣作末絹篩以一方寸匕取枸杞四味合擣
絹篩取二匕和合前一匕共為三匕令相得入分為
一分早朝空腹酒服一分日二

齊州榮姥方凡是丁腫皆用治之

牡蠣

九兩
爛者

鍾乳

枸杞根皮

各二兩

白石英

一兩

桔梗

半

白薑石

一斤軟
黃者

右六味各擣絹篩合和令調先取伏龍肝九升為末
以清酒一斗二升攪令渾澄清取二升和藥捻作餅

子大六分厚二分其濁滓仍置盆中布餅子於籠上
以一幅紙藉盆上以泥酒氣蒸之仍數攪令氣散發
經半日藥餅子乾乃內瓦罏中每一重紙一重藥遍
布勿令相著以泥密封三七日乾以紙袋貯置乾處
舉之用法以針刺瘡中心深至瘡根并刺四畔令血
出以刀刮取藥如大豆許內瘡上若病重困日夜三
四度輕者一二度著重者二日根爛始出輕者半日
一日爛出當看瘡浮起是根出之候若根出已爛者

勿停藥仍著之藥甚安穩令生肌易其病在口咽及
胃腹中者必外有腫異相也寒熱不快疑是此病即
以飲或清水和藥如二杏仁許服之日夜三四服自
然消爛或以物剔吐根出即瘥若根不出亦瘥當看
精神自覺醒悟合藥以五月五日為上時七月七日
次之九月九日臘月臘日皆可若急須藥他日亦得
要之不及良日也脩合須清淨燒香不得觸穢毋令
孝子不具足人產婦六畜雞犬等見之凡有此病忌

房室猪牛雞魚生韭蔥蒜芸薹胡荽葵酒醋麴等若
犯諸忌而發動者取枸杞根湯和藥服並如後方其
二方本是一家智者評論以後方最是真本

趙嬌方

薑石

二十
五兩

牡蠣

十兩
崔氏作七兩

茯苓

三
兩

枸杞根皮

四
兩

右四味各擣篩合和先取新枸杞根合皮切六升水

一斗半煎取五升去滓內狗屎

崔氏云尿

二升攪令調澄

取清和前藥熟搗捻作餅子陰乾病者以兩刃針當
頭直刺瘡痛徹拔針出刮取藥末著急內瘡孔中勿
令歇氣并徧封瘡頭上即脹起針挑根即出重者半
日已上或已消爛挑根不出亦自瘡勿憂其病在內
者外當有腫相應並皆惡寒發熱疑有瘡者以水半
盞刮取藥如桐子大五枚和服之日夜三服即自消
也若須根出服藥經一日以雞羽剔吐即隨吐根出
若不出根亦自消爛在外者亦日夜三度傳藥根出

後常傳勿住即生肉易瘡若犯諸忌而發動者取枸
杞根合皮骨切三升以水五升煎取二升去滓研藥
末一錢匕和枸杞汁一盞服之日二三服并單飲枸
杞汁彌佳又以枸杞汁攪白狗屎取汁服之更良合
訖即用不待乾所言白狗屎是狗食骨其屎色如石
灰故直言狗白屎也如預造取五月五日七月七日
九月九日臘月臘日者尤良神驗或有人忽喉中痛
乍寒乍熱者即是其病當急以此藥療之無故而痛

惡寒發熱者亦是此病但依前服之立瘥前後二方同是一法其用一同亦主癰疽甚效

治丁腫病忌見麻勃見之即死者方

胡麻

燭燼

針沙

各等分

右三味為末以醋和傳之

又方石灰

三分

馬齒菜

二分

右二味搗以雞子白和傳之

又方針刺四邊及中心塗雄黃末立愈神驗

一云塗黃土

又方鼠新坌土以小兒尿和傳之

又方鐵衣末以人乳汁和傳之立可

又方小豆花為末傳之瘥

又方以人屎尖傳之立瘥

又方以四神丹一枚當頭上安經宿根即出矣

治一切丁腫方

右用蒼耳根莖苗子但取一色燒為灰醋泔淀和如泥塗上乾即易不過十度根即拔神良余以正觀四

年忽口角上生丁腫造甘子振家母為帖藥經十日
不瘥余以此藥塗之得愈已後常作此藥以救人無
有不瘥者故特論之以傳後嗣丁腫方殆有千首皆
不及此雖齊州榮姥方亦不能勝此物造次易得也
又方取鐵漿每飲一斗立瘥

又方麪和臘月豬脂封上瘥

又方蒺藜子一升燒灰釀醋和封上經宿便瘥

或針破
頭封上

更佳

又方皂莢子取仁作末傳之五日内瘥

玉山韓光方韓光治丁腫人也正觀初衢州徐使君訪得此方

右用艾蒿一擔燒作灰於竹筒中淋取汁以一二合和石灰如麪漿以針刺瘡中至痛即點之點三遍其根自拔亦大神驗正觀中用治三十餘人得瘥故錄之

魚臍丁瘡似新火針瘡四邊赤中央黑可針刺之若不

大痛即殺人治之方

右以臘月魚頭灰和髮灰等分以雞溲尿和傳上此

瘡見之甚可即能殺二

外臺不用髮灰以雞子清和塗

又方以寒食餠傳之良硬者燒灰塗帖即瘥

治魚臍瘡頭白似腫痛不可忍者方

先以針刺瘡四畔作孔擣白芨取汁滴著瘡孔內

又方傳水獺屎大良

治赤根丁方

右熬白粉令黑蜜和傳之良

又方以新盆鼠壤水和塗之熱則易

又方馬牙齒擣末臘月豬脂和傳之根即拔燒灰用亦

可

犯丁瘡方

蕪菁根

鐵生衣

各等分

右二味和擣以大針刺作孔復削蕪菁根如針大以前鐵生衣塗上刺孔中又塗所擣者封上仍以方寸

乙緋帛塗帖之有膿出即易須臾拔根出立瘥忌油
膩生冷醋滑五辛陳臭粘食

又方刺瘡頭及四畔令汁極出擣生栗黃傅上以麩圍
之勿令黃出從旦至午即根拔矣

又方以麩圍瘡如前法以針亂刺瘡銅器煮醋令沸瀉
著麩圍中令容一盞冷則易之三度根即出

又方取蛇蛻皮如雞子大以水四升煮三四沸去滓頓
服立瘥

又方燒蛇蛻皮灰以雞子清和塗瘡

又方取蒼耳苗擣取汁一二升飲之滓傳上立瘥

又方灸掌後橫文後五指男左女右七壯即瘥已用得
效丁腫灸法雖多然此一法甚驗出於意表也

備急千金要方卷六十五

欽定四庫全書

備急千金要方卷六十六 唐 孫思邈 撰

宋 林億等 校正

丁腫方

癰疽第二

脉論方
禁法灸法

脉數身無熱即內有癰

諸浮數脉當發熱而反洗洗惡寒若有痛處當結為癰
脉微而遲必發熱脉弱而數此為振寒當發癰腫

脉浮而數身體無熱其形默默胃中微燥不知痛處其人當發癰腫

脉滑而數滑則為實數則為熱滑即為榮數即為衛榮衛相逢即結為癰熱之所過即為癰膿身體有痛處時時苦有瘡

問曰寸口脉微而澀法當亡血若汗出設不汗者當云何答曰若身有瘡被刀器所傷亡血故也

跌陽脉滑而數法當下重少陰脉滑而數婦人陰中瘡

生瘡

論曰夫癰疽初發至微人皆不以為急此實奇患惟宜速治稍遲緩乃即病成以此致禍者不一但發背外皮薄為癰外皮厚為疽宜急治之

凡癰疽始發或似小瘡或復大痛或復小痛或發如米粒大白膿子此皆微候宜善察之見有小異即須大驚忙急須攻治及斷口味速服諸湯下去熱毒若無醫藥處即灸當頭百壯其大重者灸四面及中央二三百壯數灸不必多也復薄以冷藥種種救療必速瘥也

凡用藥帖法皆當瘡頭處其藥開孔令洩熱氣亦當頭以火針針入四分即瘥

凡癰疽瘤石癰結筋療瘕皆不可就針角針角者少有不
不及禍也

凡癰無問大小已覺即取膠如手掌大暖水浸令軟納
納然稱大小當頭上開一孔如錢孔大帖腫上令相當
須臾乾急若未有膿者即定不長已作膿者當自出若
以鋒針當孔上刺至膿大好至瘥乃洗去膠

凡腫根廣一寸已下名癰一寸已上名小癰如豆粒大者名皰子皆始作急服五香連翹湯下之數劑取瘡乃止

凡癰高而光大者不大熱其肉正平無尖而紫者不須攻之但以竹葉黃耆湯申其氣耳肉正平為無膿也癰卒痛以八味黃耆散傳之大癰七日小癰五日其自有堅强者寧生破發乳若熱手不可得近者先內服王不留行散外摩發背膏若背生破無苦在乳宜令極熟候

手按之隨手即起者瘡熟也須針之針法要得著膿以意消息胃背不過一寸斟量不得膿即與食肉膏散著兌頭內癰口中如體氣熱歇即服木占斯散五日後癰欲著痂者即服排膿內塞散

凡癰破之後便綿愒欲死內寒外熱

文

腫自有似癰而

非者當以手按腫上無所連乃是風毒耳勿針之宜服升麻湯外摩膏破癰口當令上留三分近下一分針之務令極熱熱便不痛破後敗壞不差者作豬蹄湯洗之

日二度夏用二日冬用六七日用湯半劑亦可夫癰壞
後有惡肉者宜猪蹄湯洗去穢次傳食肉膏散惡肉盡
後傳生肉膏散及摩四邊令好肉速生當斷絕房室忌
風冷勿自勞煩待筋脉平復乃可任意耳緣新肉易傷
傷則裏潰潰則重發發即難救慎之慎之白痴最忌
凡諸暴腫一一不同無問近遠皆服五香連翹湯刺去
血小豆末傳之其間數數以針刺去血若失療已潰爛
者猶服五香湯及漏蘆湯下之隨熱多少依方用之外

以升麻湯搗洗熨之

方見丹毒篇

摩升麻膏

方見丹毒篇

若生息

肉者以白朮茹散傳之青黑肉去盡即停止好肉生傳

升麻膏如肌不生傳一物黃者散若傳白朮茹青黑惡

肉不盡者可以漆頭朮茹散半錢和白朮茹散三錢稍

稍傳之其散各取當色單擣下篩直爾成散用之

此數法集

驗用治
緩疽

或身中忽有痛處如遭打撲之狀名曰氣痛痛不可忍

遊走不住發作有時痛則小熱痛定則寒此皆由久時

受溫氣至春暴寒風來折之不成溫病乃作氣痛宜先服五香連翹湯摩丹參膏又以白酒煎楊柳皮及暖熨之有赤氣點點者即刺出血也其五香連翹湯及小竹瀝湯可服數劑勿以一劑未瘥便住藥以謂無效即禍至矣中間將白薇散佳又有氣腫痛其狀如癰腫無頭虛腫色不變但皮急痛不得手近亦須服此五香湯次白針寫之次與蒺藜散傳之

胃中痛短氣者當入閤室中以手指捺左眼視若見光

者胃中有結癰若不見光者是癰疽內發出也

經云氣宿於經絡中血氣俱澀不行擁結為癰疽也不
言熱之所作其後成癰又陽氣湊集寒化為熱熱盛則
肉腐為膿也由人體有熱被寒冷搏之而脉凝結不行
熱氣擁結成癰疽方有灸法亦有溫治法以其中冷未
成熱之時其用冷藥帖薄之治熱已成以消熱令不成
膿也赤色腫有尖頭者藜蘆膏傳之一云醋和蚌蛤灰
塗乾則易之

余平生數病癰疽得效者皆即記之考其病源多是藥氣所作或有上世服石遂令子孫多有此疾食中尤不宜食麪及酒蒜及慎溫牀厚被能慎之者可得終身無他此皆躬自驗之故特論之也

五香連翹湯治一切惡核瘰癧癰疽惡腫患背方

青木香

沈香

丁香

薰陸香

麝香

射干

升麻

獨活

寄生

連翹

通草

各二兩

大黃

三兩

右十二味咬咀以水九升煮取四升內竹瀝二升更

煮取三升分三服取快利

肘後方有紫葛甘草無通草治惡肉惡脉惡核風結

腫氣痛要籍喻義有黃耆甘草芒硝各六分千金翼云未瘥中間常服佳與小兒篇方相重小有異處

黃耆竹葉湯治癰疽發背方

黃耆

甘草

黃芩

芍藥

麥門冬

各三兩

當歸

人參

石膏

芍藥

半夏

各二兩

生薑

五兩

生地黃

八兩

大棗

三十枝

淡竹葉

一握

右十四味咬咀以水一斗二升先煮竹葉取一斗去
滓內藥煮取三升分四服相去如行二十里久日三
夜一

八味黃耆散方

黃耆

芍藥

大黃

黃連

芍藥

莽草

黃芩

梔子仁
各等

分

右八味治下節雞子白和如泥塗故帛上隨腫大小

傳之乾則易若已開口封瘡上須開頭令歇氣

王不留行散治癰腫不能潰困苦無聊賴方

王不留行子

三合金翼作一升

龍骨

當歸

各二兩

野葛皮

半分

乾薑

桂心

各一兩

桔萸根

分

右七味治下節食後溫酒服方寸七日三以四肢習

習為度不知稍加之令人安穩不覺膿自潰即著瘡

痂平復神良此浩仲堪方隋濟閣黎所名為神散癰

腫即消

千金翼云治癰疽及諸雜腫已潰皆服之

內補散治癰疽發背婦人乳癰諸癰未潰者便消不消者令速潰疾愈方

木占斯

人參

乾薑

一云乾地黃

桂心

細辛

厚朴

敗醬

防風

桔萎根

桔梗

甘草

各一兩

右十一味治下節酒服方寸匕藥入咽覺流入瘡中若癰疽灸之不能發壞者可服之未壞者去敗醬已發膿者內敗醬服藥日七八服夜二三服以多為善

若病在下當膿血出此為腸癰也諸病在裏惟服此藥即覺其力痛者即不痛長服治諸瘡及疽痔瘡已潰便早愈醫人不知用此藥發背無有治者若始覺背上有不好處而渴者即勤服之若藥力行覺渴止便消散若雖已壞但日夜服之勿住藥腫自消散不覺去時欲長服者當去敗醬婦人乳癰宜速服之一方無桂心一名木占斯散主癰腫堅結若已壞者速愈未壞者使不成癰便消

張文仲無桂心劉涓子云此是華陀方

排膿內塞散治大瘡熱退膿血不止瘡中肉虛疼痛方

防風

茯苓

白芷

桔梗

遠志

甘草

人參

芎藭

當歸

黃耆

各一兩

厚朴

二兩

桂心

二分

附子

二枚

赤小豆

五合酒浸焚之

右十四味治下篩酒服方寸匕日三夜一

猪蹄湯治癰疽發背方

猪蹄

一具治如食法

黃耆

黃連

芍藥

各三兩

黃芩

二兩

薔薇根

狼牙根

各八兩

右七味咬咀以水三斗煮豬蹄令熟澄清取二斗下

諸藥煮取一斗去滓洗瘡一食頃以帛拭乾帖生肉

膏日一如痛加當歸甘草各二兩

又方治癰疽發十指或起膀胱及發背後生惡肉者方

豬蹄

一具治如食法

當歸

大黃

芍藥

芍藥

黃芩

獨活

莽草

各一兩

右八味咬咀以水三斗煮豬蹄取八升去之內諸藥

煮取四升去滓清瘡兩食頃洗之拭令乾傳麝香膏

麝香

簡茹

一作真珠

雄黃

礬石

各一兩

右四味治下篩以猪膏調如泥塗之惡肉盡止却傳

生肉膏

食惡肉膏方

大黃

芍藥

莽草

真珠

雌黃

附子

生用各一兩

白歛

礬石

黃芩

藺茹

各二兩

雄黃

半兩

右十一味咬咀以豬脂一升半煎五六沸去滓內藺茹礬石末攪調傳之瘡中惡肉盡乃止

治癰腫惡肉不盡者方

朔藿灰

一作藿灰

石灰

肘後作白炭灰

右二味各淋取汁合煎如膏膏成傳之食惡肉亦去

黑子此藥過十日不中用

又方生地黃汁煎如膠作餅子帖之日四五度

食惡肉散方

硫黃

丹砂

麝香

榛頭蘭茹

馬齒礬

雄黃

雌黃

白礬

各二分

右八味治下篩以粉之吮食惡肉

千金翼薄帖篇無白礬雌黃有藜蘆

云亦膏和傳之又處療癰疽篇無丹砂廣濟方療癰腫膿潰瘡中有紫肉破不消以此散允或內蝕之

又方蘭茹

礬石

雄黃

硫黃

各二分

右四味治下篩內瘡中惡肉盡即止不得過好肉也

生肉膏治癰疽發背壞後生肉方

生地黄

一斤

辛夷

二兩

獨活

當歸

大黃

黃耆

芍藥

白芷

芍藥

黃芩

續斷

各一兩

薤白

五兩

右十二味咬咀以臘月猪脂四升煎取白芷黃下之
去滓傳之立瘥

又方甘草

當歸

白芷

薤蓉

蜀椒

細辛

各二兩

烏喙

六分生用

蛇銜

一兩

薤白

二十莖

乾地黄

三兩

右十味咬咀以醋半升漬一宿次日猪膏三斤煎令沸三上三下膏成塗之立瘥

蛇銜生肉膏治癰疽金瘡敗壞者方

蛇銜

當歸

各六分

乾地黄

三兩

黃連

黃耆

黃芩

大黃

續斷

蜀椒

芍藥

白朮

芎藭

莽草

白芷

附子

甘草

細辛

各一兩

薤白

一把

右十八味咬咀酢漬再宿臘月猪脂七升煎三上三

下酢盡下之去滓取傳日二夜一

崔氏有大戟獨活各一兩無地黃黃

連黃耆續斷白芨芎藭白芷甘草

五香湯治熱毒氣卒腫痛結作核或似癰癰而非使人
頭痛寒熱氣急者數日不除殺人

青木香

藿香

薰陸香

沉香

丁香

各一兩

右五味咬咀以水五升煮取二升分三服不瘥更服

并以渾傳腫上

千金翼以麝香代藿香

漏蘆湯下之方

漏蘆

白朮

黃芩

麻黃

白薇

枳實

升麻

芍藥

甘草

各二兩

大黃

三兩

右十味咬咀以水一斗煮取三升分三服快下之無

藥處單用大黃亦得

肘後云治癰疽丹軫毒腫惡肉千金翼無白薇劉涓子無芍藥

有連翹治時行熱毒變作赤色癰疽丹軫毒腫及眼赤痛生瘡翳若熱盛者可加芒硝二兩經心錄無白

薇有知母犀角芒硝各二兩此方
與小兒篇方相重分兩服法異

丹參膏方

丹參

薊藿

莽草

蜀椒

躑躅

各二兩

秦朮

獨活

白朮

牛膝

菊花

烏頭

防已

各一兩

右十二味咬咀以醋二升浸一宿夏半日如急要便
煎取猪脂四升煎令醋氣歇慢火煎去滓用傳患處

日五六度

肘後用防風不用防已治惡肉惡核療癰風結諸腫云此膏亦可服

小竹瀝湯治氣痛方

淡竹瀝

二升

射干

杏仁

獨活

枳實

白朮

防己

防風

秦艽

芍藥

甘草

茵芋

茯苓

黃芩

麻黃

各二兩

右十五味㕮咀以水九升煮取半下瀝煮取三升分

四服

白薇散方

白薇

防風

射干

白朮

各六分

麻黃

秦艽

各五分

當歸

防己

烏頭

青木香

天門冬

枳實

獨活

姜薤

山茱萸

各四分

柴胡

白芷

各三分

莽草

蜀椒

各二分

右十九味治下節以漿水服方寸匕日三加至二匕

蒺藜散治氣腫痛方

右用蒺藜子一升熬令黃為末以麻油和如泥炒令

焦黑以傳故熟布上如腫大小勿開孔帖之無疾藜
用小豆末和雞子如前乾易之妙

藜蘆膏治赤色腫有尖頭者方

藜蘆

分二

黃連

礬石

雄黃

松脂

黃芩

各八分

右六味為末猪脂二升二合煎令烊調和以傳上癰

癰頭瘡極效又治淺瘡經年抓搔癢處成孔者

瞿麥散治癰排膿止痛利小便方

瞿麥

一兩

芍藥

桂心

赤小豆

酒浸
麴

麥門冬

芎藭

黃耆

當歸

白斂

各二兩

右九味治下節先食酒下方寸匕日三

千金翼用細
辛薏苡仁白

並不用桂心麥門冬白斂治諸癰潰及
未潰瘡中疼痛膿血不絕不可忍者

薏苡仁散治癰腫令自潰長肉方

薏苡仁

桂心

白斂

當歸

茯苓

乾薑

各二兩

右六味治下節先食溫酒服方寸七日三夜二

黃耆茯苓湯治癰疽潰後膿太多虛熱方

黃耆

麥門冬

各三兩

生薑

四兩

五味子

四合

芍藥

茯苓

桂心

各二兩

大棗

二十枝

右八味咬咀以水一斗半煮取四升分六服

千金翼有速志

當歸人參各二

兩甘草六兩

內消散治凡是癰疽皆宜服之方

赤小豆

醋一升浸焚

人參

甘草

瞿麥

當歸

猪苓

黃芩

各二兩

白斂

薏苡仁

黃耆

各三兩

防風

一兩

升麻

四兩

右十二味治下節以酒服方寸匕日三夜二長服取

瘥

猬皮散治癰疽膿血內漏諸漏壞敗男發背女乳房及

五痔方

猬皮

蜂房

各一具

地榆

附子

桂心

當歸

續斷

各五分

乾薑

蜀椒

藁本

各四分

厚朴

六分

右十一味治下節空腹以酒服方寸匕日三取瘥加
斑猫七枚益良

凡患腫皆因宿熱所致須服冷藥瘥後有患冷利不止
者方

人參

龍骨

赤石脂

甘草

乾薑

各二兩

附子

一枚

右六味咬咀以水八升煮取二升半分三服每服八合

梔子湯治表裏俱熱三焦不實身體生瘡及發癰癤大小便不利方

梔子仁

二七枚

芒硝

二兩

黃芩

甘草

知母

各三兩

大黃

四兩

右六味咬咀以水五升煮減半下大黃取一升八合去滓內芒硝分三服

五利湯治年四十已還強壯常大患熱發癰疽無定處

大小便不通方

劉涓子名
大黃湯

芒硝

一兩

升麻

黃芩

各二兩

大黃

三兩

梔子仁

五兩

右五味咬咀以水五升煮取二升四合去滓下芒硝
分四服快利即止

乾地黄圓凡壯熱人能長服之終身不患癰疽令人肥
悅耐勞苦方

乾地黄

五兩

芍藥

甘草

桂心

黃耆

黃芩

遠志

各二兩

石斛

當歸

大黃

各三兩

巴戟天

桔萐根

人參

各一兩

天門冬

蓯蓉

各四兩

右十五味為末蜜丸如梧子酒服十九日三加至二

十丸

又方治虛熱消瘡腐方

乾地黄

四兩

大黃

六分

芍藥

王不留行

茯苓

甘草

遠志

麥門冬

人參

升麻

黃芩

各三兩

桂心

六兩

右十二味為末蜜和丸如梧子大酒服十九日三加至二十九久服令人肥健一方有枳實三兩

外臺無甘草遠

志麥門冬人參升麻黃芩

又方治虛勞客熱數發癰腫瘡瘍經年不除方

乾地黄

四兩

黃耆

黃芩

大黃

黃連

澤瀉

細辛

各三兩

甘草

桂心

芍藥

茯苓

乾漆

各二兩

人參

一兩

天門冬

五兩

右十四味為末蜜丸如梧子大酒服十九日三夜一

加至二十九久服延年終身不發癰疽凡方中用大

黃薄切五升米下蒸熟曝乾用之熱多倍大黃

要籍喻義

無澤瀉

地黃煎補虛除熱散乳石去癰癰痔疾悉宜服之方

生地黃隨多少三搗三壓取汁令盡銅器中湯上煮

勿蓋覆令泄氣得減半出之布絞去粗碎結濁滓穢
再煎令如錫丸如彈丸許酒服日三勿加之百日癰
疽永不發

枸杞煎治虛勞輕身益氣令人有力一切癰疽永不發
方

枸杞三十斤剉葉生至未落可用莖葉落至未生可
用根以水一石煮取五斗去滓淀將滓更入釜與水
依前煮取五斗并前為一斛澄清去淀釜中煎取二

斗許更入小銅鍋子煎令連連如錫止或器盛重湯
煮更好每日早朝服一合半日再初服一合漸加
治風濕體痛不能飲食兼癰疽後補虛羸方

薔薇根

枸杞根

各一百斤

食蜜

生地黄

各十斤

斤

右四味咬咀先以水煮二根令味濃取二斛去淀次
內地黃煮令爛絞去滓微火煎令如粥次內蜜耗令
相得每食後服如彈丸許

搗腫方

大黃

黃芩

白斂

芒硝

各三分

右四味咬咀以水六升煮取三升故帛四重蘸汁中以搗腫處乾即易之無度數晝夜為之

又方治癰疽始作腫赤焮熱長甚速方

青木香

犀角

大黃

梔子仁

紫檀香

升麻

黃芩

羚羊角

黃連

甘草

芒硝

射干

黃蘗

白欬

各二分

地黃汁

合五

麝香

一分研入

右十六味咬咀以水五升煮取二升小冷故帛兩重蘸湯中搗腫處乾即易之日夜數百度

又方治頸項及胷背有大腫赤發即封之令不成膿方

朴消

五兩

香豉

生地黃汁

各半斤

右三味合搗煮令地黃爛熟傳腫處厚二分日三四易至瘡止此兼治一切腫

又方治癰腫痛煩悶方

右用生楸葉十重帖之以帛裹令緩急得所日二易止痛兼消腫蝕膿甚良勝於他物如冬月先收乾者臨用以鹽潤之亦可薄削楸皮用之

又方治大人小兒癰腫方

右用生豬腦傳紙上帖之乾則易日三四度

又方芥子為末湯和傳紙上帖之

千金翼以豬膽和塗之

又方白薑石末蒜和擣傳上

又方擣馬鞭草傳上即頭出

又方灸兩足大拇趾奇中立瘡仍隨病左右

治癰始覺腫令消方

大黃

通草

葶蘆

莽草

右四味各等分為末以水和傳上乾則易之

又方以葇苢末三指撮水和服之日三神良

治癰方

右用芫花為末膠和如粥傳之

治癰疽發腹背陰匿處通身有數十癰者方

右取乾牛糞燒灰治下節以雞子白調塗之乾復易若已結膿使聚長者方

右用枯萆根為末苦酒和傳上燥復易赤小豆亦佳治癰有膿令潰方

右用雞羽三七枚燒末服之即潰

又方人乳和麴傳上比曉膿血盡出不用近手

又方箔經繩燒末臘月豬脂和傳下畔即潰不須針灸治癰腫發背初作及經十日已上腫赤焮熱毒氣盛日

夜疼痛百藥不效方

蝦雞子

一枚

新出狗屎

如雞子大

右二味攪調和微火熬令稀稠得所捻作餅子於腫頭堅處帖之以紙帖上以帛抹之時時看視覺餅子熱即易勿令轉動及歇氣經一宿定如多日患者三日帖之一日一易至瘥止此方穢惡不可施之貴勝然其愈疾一切諸方皆不可及自外諸方還復備員設儀注而已學者當曉此方以備諸急爾

烏麻膏治諸漏惡瘡一十三般丁腫五色遊腫癰瘡毒
熱狐刺蛇毒狂犬蟲狼六畜所傷不可識者二十年漏
金瘡中風皆以此膏帖之惡膿盡即瘥止痛生肌一帖
不換藥惟一日一度拭去膏上膿再帖至瘥止

生烏麻油

斤一黃丹四兩

蠟

四分皆大兩

右三味以臘日前一日從午內油銅器中微火煎至
明旦看油減一分下黃丹消盡下蠟令沫消藥成至
午時出惟男子合之母令小兒女人六畜等見

治諸腫帖方

紫葛

十分

大黃

五分

青木香

一分

玄參

白欬

黃芩

黃連

榆白皮

升麻

由跋

各三分

赤小豆

一合

右十一味治下篩以生地黄汁和如泥傳腫上乾則易無地黄汁以米醋和之

松脂膏治癰腫方

松脂

一斤半

豬脂

一合半

黃芩

黃耆

黃連

當歸

大黃

芍藥

芍藥

蠟

各一兩

右十味其八味咬咀合二脂微火煎三上三下綿及布絞去滓火炙傳紙上隨腫大小帖之日三易即瘥

又方松脂

斤一

豬脂

斤半

大黃

兩一

白蠟

兩四

細辛

防風

黃芩

芍藥

白欬

當歸

芍藥

莽草

黃蘗

白芷

黃連

各半兩

右十五味㕮咀先煎二脂白蠟令烊次內諸藥三上三下以綿及布絞著水中為餅取少許火炙之傳油

紙上帖瘡處

千金翼有黃耆一兩

治癰疽痔漏惡瘡婦人妬乳漆瘡方

野葛

芍藥

薤白

當歸

通草

各二分

附子

一分

右六味㕮咀醋浸半日先煎豬脂八合令煙出內亂髮二分令消盡下之待冷又內松脂八分蠟二分更

著火上和次內諸藥煎令沸三上三下去滓以故帛
傳藥帖腫上乾即易如春月去附子其髮須盡洗去
垢不爾令人瘡痛

青龍五生膏治癰疽痔漏惡瘡膿血出皆以此方導之

生梧桐白皮

生桑白皮 生青竹茹

生栢白皮

生龍膽

各五兩

蜂房

猬皮

蛇蛻皮

雄黃

雌黃

各二兩

蜀椒

附子

芎藭

各五分

右十三味咬咀以三年苦酒二斗浸一宿於炭火上
炙乾擣下細篩以猪脂二升半微火煎攪令相得如
飴著末水中新白瓷器中盛稍稍隨病深淺傳之并
以清酒服如棗核大日一

滅癰膏治諸色癰腫惡瘡瘡後有癰痕方

安息香

一作女萎

礬石

狼毒

羊躑躅

烏頭

附子

野葛

白芷

烏賊骨

皂莢

天雄

芍藥

芎藭

赤石脂

大黃

當歸

莽草

石膏

乾地黄

地榆

白朮

續斷

鬼臼

蜀椒

巴豆

細辛

各一兩

右二十六味搗末用成煎猪脂四斤和以此為準煎三上三下以好鹽一大匙下之膏成須服者與服須摩者與摩摩之忌近眼服之忌妊娠人若滅瘢者以布揩令傷傳之鼻中息肉者取如大豆內鼻中如瘀

血者酒服如棗核大痔漏者以綿裹如梅子大內下

部中風者摩患上取瘥崩中者

此處疑有脫簡

亦內其滅癥

取少許和鷹屎白傳之取臘日合神效

千金翼有礬石一兩

治膿潰後瘡不合方

右燒鼠皮一枚為末傳瘡孔中

又方熟嚼大豆以傳之

又方炒烏麻令黑熟擣以傳之

又方牛屎傳之乾即易

又方燒破蒲席灰臘月豬脂和內孔中

治癰久不瘥方

右用馬齒菜搗汁煎以傳之

治癰癤潰後膿不斷及為諸物刺傷瘡不瘥方

石硫黃粉

二分

右一味取筋一片碓碎頭少濕內硫黃中以刺瘡孔

瘡瘥為度

治癰肉中如眼諸藥所不效者方

右取附子削令如棊子安腫上以唾帖以火灸之令
附子欲焦復唾濕以火灸之如是三度令附子熱氣
徹內即瘥此法極妙也

練石散治癰有堅如石核者復大色不變或作石癰方

麤理黃石

一斤鹿角

燒八兩

白欬

三兩

右三味以醋五升先燒石灰赤內醋中不限數醋減
半止總擣末以餘醋和如泥厚傳之乾則易取消止
盡更合諸漏及瘰癧其藥悉皆用之仍火針針頭破

傳藥又單磨鹿角半夏末和傳之不如前方佳也

治石癰堅如石不作膿者方

右用生商陸根熟搗傳之乾即易取軟為度又治濕

漏諸癰瘡

又方蜀桑根白皮陰乾搗末煑膠以酒和藥傳腫根即拔

又方葭苈子為末醋和以傳瘡頭根即拔

又方蛇蛻皮帖之經宿便瘡

又方櫟子一枚以醋於青石上磨之以塗腫上乾更塗
不過十度即愈

又方梁上塵

葵根莖灰

各等分

右二味醋和傳之即瘥

又方當上炙百壯石子當碎出如不出益壯乃佳

凡發腫至

堅有根者
名曰石癰

禁腫法

凡春初雷始發聲時急以兩手指雷聲聲止乃止後

七日勿洗手此後有一切腫及蠍螫惡注腫瘡摩之
隨手即消

書腫方

天乙

甲一
不生

未

乙一不成
壬癸死

右以丹書閉氣書腫上立瘥

治惡毒腫或著陰卵或著一邊疼痛攣急引入小腹不
可忍者一宿殺人方

右取茴香草搗汁飲一升日三四服渾傳腫上冬月

闕生者根亦可用

此是外國神方於永嘉年
末用之起死回生神驗

治風勞毒腫疼痛攣急或牽引小腹及腰髀痛方

右用桃仁一升研如常法以酒三升攪和頓服之厚

衣被蓋令汗不過三劑瘥

治脚腫向上至腹即殺人者方

右用赤小豆一斗以水三斗煮令爛出豆以汁浸脚
至膝每日一度瘥止若已入腹不須浸但煮豆食之
忌鹽菜米麴等渴飲汁瘥乃止

麻子小豆湯治毒腫無定處或赤色惡寒或心腹刺痛煩悶者此是毒氣深重所致方

麻子

赤小豆

各五升

生商陸

二升

附子

二兩

射干

二兩

升麻

四兩

右六味咬咀以水四斗先煮四味取二斗半去滓次研麻子碎和汁煮一沸濾去滓取汁爛煮豆其汁每服五合日二夜一當利小便為度腫退即瘥并食豆治一切腫毒疼痛不可忍者方

右取草麻子熟搗傳之即瘥

治諸瘡著白痴復發方

大蒜

鼠屎

書墨

右三味各等分為末傳之日三

治癰子方

凡癰無頭者吞葵子一枚不得多服

又方生椒末

釜下土

右二味各等分醋和塗之

千金翼有麴末為三味

又方狗頭骨


芸臺子

右二味各等分為末醋和傳之

又方燒葛蔓灰封上自消牛糞灰封之亦佳

又方鼠粘根葉帖之

又方水和雀屎傳之



備急千金要方卷六十六